

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo trgovine, turizma i saobraćaja

original
Jere
Kod

Broj: 05/1-11-013002/26
Tuzla, 30.04.2026. godine

Na osnovu člana 64. stav (1) tačka b), člana 70. st. (3) i (6) Zakona o javnim nabavkama („Službeni glasnik BiH” br. 39/14, 59/22 i 50/24), člana 10. stav (5) Uredbe o obavljanju komunalne djelatnosti javnog prijevoza putnika na kantonalnim linijama („Službene novine Tuzlanskog kantona“, broj 4/26) i Zapisnika o pregledu i ocjeni ponuda sa preporukom Komisije za izbor najpovoljnijeg ponuđača, broj 05/1-11-006686-5/26 od 27.04.2026. godine, ministar trgovine, turizma i saobraćaja d o n o s i

O D L U K U
O IZBORU NAJPVOLJNIJEG PONUĐAČA

Član 1.

Prihvata se preporuka Komisije za javnu nabavku u sklopu Zapisnika o pregledu i ocjeni ponuda broj 05/1-11-006686-5/26 od 27.04.2026. godine, da se u cilju odabira najpovoljnijeg ponuđača po provedenom otvorenom postupku za nabavku usluge obavljanja komunalne djelatnosti javnog prijevoza putnika na kantonalnim linijama, Okvirni sporazum o nabavci usluga obavljanja komunalne djelatnosti javnog prijevoza putnika na kantonalnim linijama dodijeli grupi ponuđača „Junuzović-Kopex“ d.o.o. Lukavac - „Gradski i prigradski saobraćaj“ d.o.o., sa sjedištem u Modracu - Studenac bb, 75300 Lukavac, ID: 4209157220005, sa najpovoljnije ocijenjenom i prihvatljivom Ponudom za predmetnu nabavku usluge, za ponuđenu cijenu od 79.214.560,00 bez PDV-a.

Član 2.

Prijedlog Okvirnog sporazuma o nabavci usluga obavljanja komunalne djelatnosti javnog prijevoza putnika na kantonalnim linijama dostavit će se na potpis izabranom ponuđaču „Junuzović-Kopex“ d.o.o. Lukavac - „Gradski i prigradski saobraćaj“ d.o.o., najkasnije u roku od 15 dana, računajući od dana od kada je ponuđač obaviješten o izboru najpovoljnijeg ponuđača.

Član 3.

Ova odluka objavit će se na web-stranici Ugovornog organa (www.vladatk.kim.ba) istovremeno s upućivanjem primjerka Odluke ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH”, br. 39/14, 59/22 i 50/24).

Član 4.

Odluka će biti dostavljena Vladi Tuzlanskog kantona uz prijedlog Odluke o povjeravanju obavljanja komunalne djelatnosti javnog prijevoza putnika na kantonalnim linijama.

Član 5.

Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj 05/1-11-006686/26 od 10.03.2026. godine i broj 05/1-11-006686-1/26 od 12.03.2026. godine. Procijenjena vrijednost javne nabavke iznosi 79.214.560,00 KM.

Javna nabavka je planirana u Planu javnih nabavki za 2026. godinu, za nabavku usluge obavljanja komunalne djelatnosti javnog prijevoza putnika na kantonalnim linijama, pod rednim brojem 4. Javna nabavka je sprovedena putem otvorenog postupka javne nabavke.

Predviđeno je zaključivanje okvirnog sporazuma sa jednim ili grupom ponuđača na period od 4 godine. Kriterij za ocjenu ponuda je „najniža cijena“. Obavještenje o nabavci usluge, broj 698-1-2-6-3-30/26 je objavljeno na Portalu javnih nabavki (www.ejn.gov.ba) 12.03.2026. godine.

Komisija za javnu nabavku predmetne usluge imenovana je Rješenjem, broj 05/1-30-005848/26 od 06.03.2026. godine. Komisija za javnu nabavku predmetne usluge dostavila je Zapisnik sa otvaranja ponuda, broj 05/1-11-006686-4/26 od 27.04.2026.godine i Zapisnik sa preporukom Komisije o izboru najpovoljnijeg ponuđača u postupku javne nabavke usluge obavljanja komunalne djelatnosti javnog prijevoza putnika na kantonalnim linijama, broj 05/1-11-006686-5/26 od 27.04.2026. godine.

Komisija je, nakon provedenog postupka, utvrdila da je blagovremeno i pravilno dostavljena ponuda grupe ponuđača:

1. „Junuzović-Kopex“ d.o.o. Lukavac - „Gradski i prigradski saobraćaj“ d.o.o. Tuzla.

Konstatovano je:

- da je ukupan broj blagovremenih prispjelih ponuda jedan,
- da je jedna ponuda prihvatljiva,
- da nije bilo neblagovremenih i neprihvatljivih ponuda,

Uvidom u priloženu dokumentaciju utvrđeno je da je grupa ponuđača „Junuzović-Kopex“ d.o.o. Lukavac - „Gradski i prigradski saobraćaj“ d.o.o. Tuzla, dostavila prihvatljivu ponudu koja je u okviru procijenjene vrijednosti javne nabavke.

Detaljno obrazloženje razloga za izbor najpovoljnijeg ponuđača navedeno je u Zapisniku o pregledu i ocjeni ponuda koji čini sastavni dio ove odluke.

U postupku donošenja ove odluke, posebno su cijenjene činjenice da je Komisija pravilno izvršila ocjenu kvalifikovanosti ponuđača te ocijenila prispjelu ponudu u skladu sa Zakonom o javnim nabavkama i kriterijima iz Tenderske dokumentacije. Uzimajući u obzir naprijed navedeno, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

U skladu sa članom 98. st. (1) i (2) Zakona o javnim nabavkama, u predmetnom postupku javne nabavke ne primjenjuje se institut zabrane zaključenja ugovora u roku od 15 dana od dana obavještanja o izboru najpovoljnijeg ponuđača, s obzirom na to da je postupak proveden putem otvorenog postupka javne nabavke, u kojem je učestvovao samo jedan ponuđač, čija je ponuda ujedno i izabrana.

POUKA O PRAVNOM LIJEKU: Protiv ove Odluke ponuđač koji je učestvovao u postupku nabavke može izjaviti žalbu u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa Ministarstva trgovine, turizma i saobraćaja Tuzlanskog kantona, u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.


Prilog:

- Zapisnik o pregledu i ocjeni ponuda, broj: 05/1-11-006686-5/26 od 27.04.2026. godine

Dostavljeno:

1x Grupa ponuđača

1x a/a



MINISTAR

Almir Zilić dipl.ecc